



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

33. De Majoritate & obedientia

[urn:nbn:de:hbz:466:1-63433](#)

TITULUS XXXIII.

De Majoritate & Obedientia.

Q 1. *Quid sit majoritas, & unde nascatur?*
Resp. ad 1. Majoritas est prærogativa sive excellentia unius præ alio, vi cuius unus est honorabilior præ altero, ut in congressibus, confessu, stallo, suffragio & prærogativis aliis antecedat.

Resp. ad 2. Oritur hæc majoritas 1. vel ratione Ordinis, vi cuius Clerici digniores sunt laicis. can. 6. dist. 4. & inter Clericos, qui Ordinem altiorem sunt consecuti c. 15. h. t. cui tamen dispositioni in pluribus Ecclesiis est derogatum per contrariam consuetudinem approbatam c. fin. de consuet. in 6. Vel 2. ratione dignitatis Ordinantis, ut tamen is *solus*, cui Papa contulit Ordines, cæteris paribus, aliis (etiam in concursu & collatione beneficiorum juxta Wiestn. h. t. n. 2.) sit præferendus c. 7. h. t. ratio ibid. assignatur. Vel 3. ratione antiquitatis, seu prioritatis temporis, ut is, qui prius in Ecclesiasticis ordinatus fuit vel institutus, posterius ordinato & instituto, cæteris paribus, & præscindendo à particularibus privilegiis, consuetudinibus, juribus sit præferendus. c. 1. h. t. & reg. 54. in 6. Vel 4. ratione privilegii. quâ viâ Patriarcha Constantinopolitanus, licet posterior Antiocheno & Alexandrino, super eos principem locum obtinuit. c. 23. de privileg. c. 6.

L 4

dist.

dist. 22. Vel s. ratione dignitatis, jurisdictionis & administrationis. Sic supereminet omnes S. Pontifex. c. 6. h. t. hunc sequuntur Cardinales, hos Patriarchæ & Primate, istos Archi-Episcopi, Archi-Episcopos Episcopi: post hos in CC. Generalibus veniunt Abbates usum mitræ & baculi habentes, tum Generales Ordinum Religiosorum. Extra Concilia in diœcesibus *de jure Sede plenâ* primum post Episcopum locum obtinet Vicarius Generalis, utpote repræsentans Episcopum. *v. Leur. in Vicar. Episc. q. 60. & seq.* Si Canonici Cathedrales collegiater incedant, præcedentiam habent præ Abbatibus, quia tum repræsentant Ecclesiam Cathedralem; secus si incedant singuli *can. 12. cauf. 16. q. 7.* Ecclesia Cathedralis præcedit cæteras, ejusque Canonici reliquarum Ecclesiarum Canonicos, qui immediatè sequuntur, hos excipiunt Parochi, Plebani, Curati, & Ecclesiarum Parochialium Presbyter cum reliquo Clero sacerdotali. Inter Ordines Religiosos post Clerum sacerdotalem primum per se locum habent Canonici & Clerici Regulares, tum Monachi, ac denique Mendicantes; ex qualibet harum classe, dum in unâ civitate concurrunt plures, præcedentiam habent, quorum fundatio sive introductio antiquior est. Cæterum in hac Materiâ maximè attendi debet consuetudo.

Q. 2. Quis sit judex controversiæ ortæ ratione præcedentia. v. g. in processionibus, deductione funerum &c.? Resp. I. Episcopus tales controversias componit, si inter Conventus & communi-

nita-

nitates Ecclesiasticas, etiam exemptas, lis veretur. Trid. sess. 25. c. 13. de Regular. 2. Si inter Confraternites Laicorum lis sit, & agatur in iudicio petitorio, de ipso scil. jure præcedendi, item cognitio & decisio causæ spectat ad judicem Ecclesiasticum. c. 2. de judic. 3. Si agatur in possessorio, & Communitas conventa sit sacerdotalis, nec admisceatur quæstio juris, potest etiam judex laicus cognoscere causam hanc & decidere, quia tum cognitio versatur solum circa aliquid temporale,

Q. 3. Quid sit obedientia, in quo consistat, cui debeatur? Resp. ad 1. Obedientia, prout est virtus specialis, definiri potest, quod sit virtus moralis inclinans ad faciendum, quod præcipitur, quia præcipitur.

Resp. ad 2. Consistit præcipue in 3. quatenus est hujus loci; nimirum in reverentiâ Superioribus exhibendâ; in mandato ab ipsis accipiendo & exequendo; in iudicio eorum subeundo.

Resp. ad 3. Imò ab omnibus fidelibus debetur Papæ. c. 2. 4. 6. h. t. It. Joan. 21. v. 17, 2. A Diœcesanis Episcopo proprio. c. 4. cit. Clerici tamèn Episcopo subjecti non tenentur præstare juramentum, quo promittant specialiter Episcopo obedientiam, nisi sint Curati. c. 3. h. t. vel inobedientes rebelles, aut contumaces. c. 10. b. t. 3. A Capellanis, Presbyteris, &c. Cardinali in Ecclesiâ sui tituli, sed tantùm obedientia manuallis præstari debet. c. 11. h. t. 4. A Religiosis Prælato, à Monialibus Abbatissæ, à quibuscum-

L 5 que

que subditis Superiori legitimo, licet dubitetur, num justa præcipiat. Engel h. n. 66. quia in dubio est præsumptio pro Superiore.

Q. 4. Qua ratione procedendum in obedientia Superioribus præstanda? Resp. 1. Superiori obediendi obligatio datur solum in iis rebus, ad quas se ejus jurisdictio extendit; quia talis subditus in aliis rebus est instar non subditi.

Resp. 2. Ex duobus Superioribus contraria præcipientibus parendum illi, qui major est, scil. quoad potestatem præcipiendi respectu talis subditi. c. 2. dist. 8. non obstante can. 5. & 6. caus. 9. q. 3. & c. 11. de off. Ordin. Si uterque Superior mandans æqualis sit, etiam in potestate præcipiendi, obediendum illi, cui quis potiori titulo subjectus, cum & ex hoc proveniat potestas præcipiendi.

Q. 5. Quæ pœna inobedientibus statutæ? Resp. 1. Canonicis Constitutionibus inobedientes notam inobedientiae incurruunt, sive quandam infamiam Canonicam, quæ per pœnitentiam tamen sublatto peccato tollitur. c. 5. h. t.

Resp. 2. Non obedientes statutis & decretis Episcoporum, aliorumve Prælatorum, seu Superiorum Ecclesiasticorum per contumaciam, debent excommunicari. c. 2. h. t. Abbatissæ in sibi contumaciter inobedientes pœnam hanc infligere non possunt ob defectum potestatis clavium, possunt tamen implorare officium Superioris, ut sibi inobedientes excommunicet. c. 12. h. t. speciale quid desumitur ex. c. 8. h. t. ut explicat Leur. h. t. Q. 922. Pirh. n. 34.

TITU-